

孝
漢
五
志



李漢五志



季漢五志卷之四

忠武侯世系

瑯琊陽都今山東兗州府沂州

均 官至長水校尉

字君

貢瑯

瑯陽

都人

也漢

末為

太山

郡丞

諸葛珪

亮

字孔明早孤娶黃

氏躬耕南陽稱臥

龍先主三顧歷官

丞相封武鄉侯建

興十二年卒年五十

四卒于軍諡忠武

女 適龐德公字山民
歷官黃門吏部郎

字思遠尚公

主歷官尚書

僕射行都護

衛將軍炎興

元年卒于陣

時年三十七

瞻

尚

戰綿竹父陣
而亡馳赴魏軍
而死年十九

京

字行宗漢亡
移河東仕晉
為廣州刺史

漢司隸校尉
諸葛豐之後

尚京已後史
不載無可考

諸葛忠武侯年譜

錢塘王復禮纂輯

酉 癸	巳 巳	丑 乙	酉 辛
初平四年 十三歲	中平六年 九歲	中平二年 五歲	漢靈帝光和四年 侯生
戌 甲	午 庚	寅 丙	戌 壬
興平元年 十四歲	漢獻帝初平元年 十歲	中平三年 六歲	光和五年 二歲
亥 乙	未 辛	卯 丁	亥 癸
興平二年 十五歲從叔父玄 依荊州牧劉表	初平二年 十二歲	中平四年 七歲	光和六年 三歲
子 丙	申 壬	辰 戊	子 甲
建安元年 十六歲	初平三年 十二歲	中平五年 八歲	中平元年 四歲

己 癸 建安十八年 三十三歲 沂江定都縣從先主圍成都	丑 巳 建安十四年 二十九歲 爲軍師中郎將	酉 乙 建安十年 二十五歲	巳 辛 建安六年 二十一歲	丑 丁 建安二年 十七歲
午 甲 建安十九年 三十四歲 爲軍師將軍益州太守	寅 庚 建安十五年 三十歲	戌 丙 建安十一年 二十六歲	午 壬 建安七年 二十二歲	寅 戊 建安三年 十八歲
未 乙 建安二十年 三十五歲 據南郡	卯 辛 建安十六年 三十二歲	亥 丁 建安十二年 二十七歲 先主三顧盧	未 癸 建安八年 二十三歲	卯 巳 建安四年 十九歲
申 丙 建安二十一年 三十六歲	辰 壬 建安十七年 三十二歲	子 戊 建安十三年 二十八歲 奉命說孫權從先主破曹操于赤壁	申 甲 建安九年 二十四歲	辰 庚 建安五年 二十歲

奉
忠武一

忠武一

忠武一

丑 癸	酉 巳	巳 乙	丑 辛	酉 丁
建興十一年 五十三歲	建興七年 四十九歲伐魏郭 淮遯走遂平二郡 築漢樂二城	建興三年 四十五歲討雍闓 斬之七擒孟獲四 郡平	漢昭烈帝章武元年 四十一歲為丞相	建安二十二年 三十七歲守成都
寅 甲	戌 庚	午 丙	寅 壬	戌 戊
建興十二年 五十四歲伐魏據 五丈原八月十二 日卒于軍	建興八年 五十歲伐魏破費 耀郭淮于陽溪	建興四年 四十六歲	章武二年 四十二歲	建安二十三年 三十八歲
	亥 辛	未 丁	卯 癸	亥 巳
	建興九年 五十一歲伐魏斬 張郃	建興五年 四十七歲子瞻生 上表出師伐魏	章武三年五月後帝 卽位改建興元年 四十三歲封武鄉 侯	建安二十四年 三十九歲
	子 壬	申 戊	辰 甲	子 庚
	建興十年 五十二歲	建興六年 四十八歲復上表 出師伐魏斬王雙	建興二年 四十四歲開府領 益州牧	建安二十五年 四十歲

諸葛忠武侯傳

國朝 王復禮

諸葛忠武侯諱亮字孔明瑯琊陽都人

今山東沂州

司隸

校尉諸葛豐之後也。生於漢靈帝光和四年辛酉。父

珪字君貢爲泰山郡丞。侯早孤。從父元爲袁術所署

豫章太守。元將侯及侯弟均之官。會漢朝更選朱皓

代元。元素與荊州牧劉表有舊。獻帝興平二年。侯年

十五。從元往依之。元卒。侯躬畊隴畝。好爲梁父吟。吟載

後家于南陽之鄧縣。去襄陽城西二十里。號曰隆中。

今湖廣襄陽府身長八尺。每自比於管仲樂毅。時人莫之許。

也。惟博平崔州平。潁川徐庶。元直與侯友善。謂爲信

然黃承彥者。高爽開列。爲沔南名士。嘗謂侯曰。聞君
擇婦。身有醜女。黃頭黑色。而才堪相配。侯許卽載送
之。鄉里爲之諺曰。莫作孔明擇婦。正得阿承醜女。侯
在荊州。與潁川石廣元。徐元直。汝南孟公威等俱游
學。三人務于精熟。而侯獨觀大畧。每晨起。從容抱膝。
長嘯。嘗謂曰。卿三人仕進。可至刺史郡守。三人問其
所至。侯笑而不答。後公威思鄉里。欲北歸。侯謂之曰。
中國饒士。丈夫遨遊。何必故鄉耶。時昭烈屯新野。訪
世事于司馬德操。德操曰。儒生俗士。豈識時務。識時
務者。在乎俊傑。此間自有伏龍鳳雛。昭烈問爲誰。曰。

諸葛孔明龐士元也。及徐庶見昭烈。昭烈器之。庶因謂曰。諸葛孔明者。臥龍也。將軍豈願見之乎。昭烈曰。君與俱來。庶曰。此人可就見。不可屈致。將軍宜枉駕顧之。昭烈遂請侯。凡三往。乃見。因屏人曰。漢室傾頽。奸臣竊命。主上蒙塵。孤不度德量力。欲伸大義于天下。而智術淺短。遂用猖獗。至于今日。然志猶未已。君謂計將安出。侯曰。自董卓以來。豪傑並起。跨州連郡者。不可勝數。曹操比于袁紹。則名微而衆寡。然操遂克紹。以弱爲强者。非惟天時。抑亦人謀也。今操擁百萬之衆。挾天子以令諸侯。此誠不可與爭鋒。孫權據

有江東已歷三世國險而民附賢能爲之用此可與
爲援而不可圖也。荊州北據漢沔利盡南海東連吳
會西通巴蜀此用武之國而其主不能守此殆天所
以資將軍也。益州險塞沃野千里天府之地高祖因
之以成帝業劉璋闇弱張魯在北民殷國富而不知
存恤智能之士思得明君將軍旣帝室之胄信義著
于四海總攬英雄思賢如渴若跨有荊益保其巖阻
西和諸戎南撫夸越外結孫權內修政治天下有變
則命一上將將荊州之軍以向宛洛將軍身率益州
之衆出于秦川百姓孰不箪食壺漿以迎將軍者乎。

誠如是則霸業可成。漢室可興矣。昭烈曰：善。于是與侯情好日密。自以爲猶魚得水也。時侯年二十七，建安十二年也。劉表長子琦亦深器侯。表受後妻之言，愛少子琮，不悅于琦。琦每與侯謀自安之計，侯不對。一日與侯登樓共飲，令人去梯，謂曰：今上不至天下，不至地，言出子口，入吾耳。可以言未？侯曰：君不見申生、在內而危，重耳、在外而安乎？琦感悟，陰規出計。會黃祖死，得出，遂爲江夏太守。十三年，表卒，琮立。會操南侵，琮遣使請降。昭烈在樊，聞之，率衆南行。侯與庶並從，爲操所追破，獲庶母。庶辭昭烈而指其心曰：本

欲與將軍共圖王霸之業者。以此方寸之地也。今已
失老母。方寸亂矣。無益于事。請從此別。遂詣操。昭烈
至夏口。操進軍江陵。將順流東下。侯曰。事急矣。請奉
命求救于孫將軍。時權擁兵柴桑。觀望成敗。侯說權
曰。海內大亂。將軍起兵。據有江東。劉豫州亦收衆。漢
南與操並爭天下。今操芟奪大難。略已平矣。遂破荆
州。威震四海。英雄無所用武。故豫州逃遁至此。將軍
量力而處之。若能以吳越之衆。與中國抗衡。不如早
與之絕。若不能當。何不按兵束甲。北面而事之。今將
軍外託服從之名。而內懷猶豫之計。事急而不斷。禍

至無日矣。權曰：「苟如君言，豫州何不遂事之乎？」侯曰：「田橫齊之壯士耳，猶守義不辱。況豫州王室之胄，英才蓋世，衆士慕仰，如水之歸海。若事之不濟，此乃天也，安能復爲之下乎？」權勃然曰：「吾不能舉全吳之地，十萬之衆，受制于人，吾計決矣。非豫州莫可以當操者。然豫州新敗之後，安能抗此難乎？」侯曰：「豫州軍雖敗于長阪，今戰士還者及關羽水軍精甲萬人，劉琦合江夏戰士亦不下萬人。操之衆遠來，疲弊，聞追豫州，一日一夜行三百餘里，此所謂強弩之末勢不能穿魯縞者也。故兵法忌之，曰：『必蹶上將。』且北方之人，

不習水戰。又荊州之民附操者。偏兵勢耳。非心服也。將軍誠能命猛將統兵數萬。與豫州協規同力。破操必矣。操兵破。必北還。如此則荆吳之勢強。鼎足之形成矣。成敗之機在于今日。權大悅。卽遣周瑜程普魯肅等水軍三萬隨侯詣昭烈。并力拒操。戰于赤壁。操敗退。昭烈遂收江南。十四年。以侯爲軍師中郎將。使督零陵桂陽長沙三郡。調賦稅以充軍實。十六年。益州牧劉璋遣法正迎昭烈。使擊張魯。侯與關羽鎮荊州。昭烈自葭萌還攻璋。侯與張飛趙雲等率衆沂江。分定郡縣。與昭烈共圍成都。十九年。成都平。以侯爲

軍師將軍署左將軍府事。賜金五百斤。銀千斤。錢五十萬。錦千匹。昭烈外出。侯常鎮守成都。兵食咸足。二十五年冬十月。曹丕篡漢。明年辛丑。羣下勸昭烈稱尊號。昭烈未許。侯曰。昔吳漢耿弇等勸世祖卽帝位。世祖辭讓數四。耿純進言曰。天下英雄喁喁冀有所望。如不從議者。士大夫各歸求主。無爲從公也。世祖感純言深至。遂然諾之。今曹氏篡漢。天下無主。大王劉氏苗族。紹世而起。今卽帝位。乃其宜也。士大夫隨大王久勤苦者。亦欲望尺寸之功。如純言耳。昭烈于是卽帝位。冊侯爲丞相。錄尚書事。假節。

冊載後

六月張

飛卒以侯領司隸校尉章武三年春正月昭烈于永安病篤召侯成都屬以後事二月侯至昭烈曰君才十倍曹丕必能安國終定大事若嗣子可輔輔之如其不才君可自取侯涕泣曰臣敢不竭股肱之力效忠貞之節繼之以死昭烈又爲詔勅子禪曰汝與丞相從事事之如父建興元年後帝卽位封侯爲武鄉侯開府治事頃之又領益州牧政無巨細咸決于侯自昭烈駐永安吳人懼有後圖復來請和會昭烈崩侯方慮權有異計尚書鄧芝見侯曰主上幼弱新立宜遣大使往申吳好侯曰吾思之久矣未得其人耳

今始得之。芝問誰。侯曰。卽使君也。奏遣芝往。芝至吳。權語芝曰。孤誠願與漢和親。然漢主幼弱。國小勢偏。恐爲魏所乘。以此猶豫耳。芝曰。吳漢二國。四州之地。大王命世之英。諸葛亮亦一時之傑也。蜀有重險之固。吳有三江之阻。合此二長。共爲唇齒。進可并兼。天下退可鼎足而立。此理之自然也。大王今若委質于魏。魏必上望大王之入朝。下求太子之內侍。若不從命。則奉辭伐叛。漢必順流。見可而進。如此江南之地。非復大王之有也。權默然良久曰。君言是也。遂絕魏。與漢連和。是歲魏司徒華歆。司空王朗。尚書令陳羣。